

**ZOUX JIU BANG MIENH GOX NYEI MIENH**

(Zoux Mienh Gox se mv zeiz zoux hlo, mv baac zoux bou)

Yo^han 2:5 Kaa^naa Laangz cing-jaa-yinh nyei **BOU**....

(nyanc hopv gong)

Yo^han 12:26 Haaix dauh oix tengx yie zoux **BOU** oix zuqc

Muangx yaac ei Yesu zoux

Lomaa 15:8 Yesu benx Yiutai Mienh nyei **BOU**..

(Yesu zoux mienh nyei bou, bun mbuo zuote)

E^fe^so 6:21 Ziouv nyei ziepc zuoqv **BOU**...

(Juangx zoux Yesu nyei bou)

Ko^li^si 1:7 Juangc zoux **BOU** nyei mienh

(Juangc zoux Yesu nyei bou)

Matv^taai 20:26 oix duqv zoux hlo,..oix zuqc zoux **BOU**

Matv^taai 20:27 oix duqv zoux hlo jiex,..oix zuqc zoux

**NOUH**

1 Ko^lin^to 3:5 Baulo caux Aa^bor^lo yietc zungv zoux **BOU**

(Njaaux caux zunh Kuv fiex bou)

OIX ZUQC FAIX FIM maiv dungx hnangv 2 Ko^lin^to 11:15

nor, Hnyouv benx Saadaan nyei bou, mv baac beih benx T.H.

nyei bou. Mv baac zoux Tin-Hungh nyei bou, jiu bang nyei

mienh gox:

MAIV maaih jauv zaqc, ziouc liemh zeih benx sienx wuonv nyei, longx nyei, fai nitv T.H. nyei mienh. Weic zuqc mbuo nyei, (dauh zong?) buangh nyei sic, hiuv nyei jauv maiv fih hnangv naaiv deix jauv yaac zorpc jienv yiem mbuo sienx Yesu nyei jauv. Hnangv haaix mbuo yaac hiuv duqv gorngv oix benx zoix yungz jiex, nitv, hnamv Tin-Hungh nyei mienh se aqc nyei yaac longc ziangh hoc lauh nyei hoqc cingx haih hlo.

**HNANGV HAAIV ZIEQV DUQV BENX T.H.****NYEI ZIEPC ZUOQV BOU**

Naaiv mv zeiz naaic siang nyei waac. Yiem siang Naengc-Waac nyei ziangh hoc mbuo buate maaih naaiv nyungc sic fih hnangv nyei. Ti^mo^tai yiem E^fe^so dorh jiu bang wuov zanx hmien doix hmien nyei buangh dongh oix zoux fin-saeng, oix zoux mienh gox dorh jiu bang.

Maaih hnyouv oix zoux naaiv nyungc gong se longx haic (1 Ti^mo^tai 3:1)

Mv baac Baulo gorngv, MAIV zeiz dauh dauh haih zoux duqv, maiv zeiz dauh dauh haih longc duqv, se oix zuqc longc mengh dauh longx nyei mienh.

Haih zoux duqv, longc duqv ei Tin-Hungh nyei eix nyei mienh se dorh naaiv deix Ging-Soiu waac daaih ndorqc beiv ziouc hiuv aqv.

1 Ti^mo^tai 3:1-7; Tidatc 1:5-10

1. Maiv maaih dorngx daanh
2. Longc nduqc dauh auv hnangv
3. Haih zanv ganh
4. Gunv duav ganh
5. Dorh leiz nyei mienh, dongh mienh taaih nyei mienh.
6. Maaih hnyouv zipv kaeqv
7. Haih njaaux mienh nyei mienh yaac bun mienh njaaux duqv nyei mienh
8. Maiv hengx hopv diuv
9. Maiv nzaeng-ngaengc
10. Ga'qiex maiv beqv nyei mienh
11. Maiv zoux ciouv mborqv mienh
12. Maiv oix nzaeng jaax
13. Buonh suonc mienh (gentle)
14. Maiv mauv nyaanh
15. Haih gunv longx ganh nyei hmuangv doic
16. Ga'nyei nyei mienh funx mengh hoc long nyei
17. Hnamv zoux kuv sic
18. Baengh fim nyei
19. Cing nzengc nyei
20. Siang-sienx nyei mienh mv horpc

Se gorngv haiv dauh mienh duqv zoix yungz jiex, ninh ziouc haih samx mangc yaac guangc nzengc dongh ninh maiv hiuv Tin-Hungh nyei ziangh hoc ei mienv ei baamh gen zoux

neyi sic, ziouc longc hnyouv hoqc, longc hnyouv zuotc  
jienv Giduc neyi nyungc zeiv mingh.

Dongh mbuo doqc jiex daaih wuov deix 20 kang daan, mv  
maaih yietc kang gorngv taux Singx Lingh bun neyi zingh nyeic.  
Maaih 19 kang gorngv taux zien leiz, kuv mienh neyi maengc se  
hngangv, MENGH DAUH LONGX  
LONGC ZIEN LEIZ  
NZORNG MAIV LUONX HORNGC NYEI SIC  
ZOUX KUV SIC NYEI MIENH  
DORH LEIZ NYEI MIENH

Kungx maaih kang (15) se gorngv taux maaih banh zeic  
dorh ninh neyi hmuangv doic hngangv, hngangv naaiv cingx bun  
mbuo hiuv duqv mv haaix dauh lengc jeiv neyi, mv baac dongh  
kuv mienh yaac maaih hnyouv hoqc zoux horpc Tin-Hungh neyi  
eix neyi mienh

#### NZUTV ZUNV

Benx Tin-Hungh neyi ziepc zuoqv bou maiv zeiz la'guaih hungh  
heic benx siepv neyi (suddenly appear). Se oix zuqc longc  
ziangh hoc lauh neyi cingx haih hoqc duqv Ziouv Yesu neyi eix,  
yaac maaih Ninh neyi nyungc zeiv.

Hngangv naaiv dorh jiu bang mienh se maiv zeiz ginv la'guaih  
mienh mv baac oix zuqc ginv dongh puix duqv neyi mienh.  
Hngangv naaic Baulo cingx mbuox Ti^mo^tai caux Tidatc ginv  
dongh ninh mbuo zieqv duqv buatac horpc neyi mienh.

Maaih deix m'nziex naaic gaax, Yie oix zuqc hngangv haaix  
jiex gorn?

Mbuo haih zorqv wuov deix 20 kang waac daaih hoqc hiuv liuz  
ninh neyi eix leiz ziouc hoqc ei zoux jienv mingh.

#### IH ZANC MBUO AENGX MANGC GAUH MUONC DEIX WUOV 20 KANG WAAC

**1. Maiv maaih dornx daanh** fai mengh dauh longx

Jiu baang neyi mienh gox oix zuqc zoux *maiv maaih*  
*dornx daanh neyi mienh...*

<b>1 Ti^mo^tai 3:2-7</b>	<b>Tidatc 1:7-9</b>
1. Longc nduqc dauh auv	1. Maiv nzaeng jaax
2. Haiv zanv ganh	2. Qiex maiv beqv
3. Gunv duqv ganh	3. Maiv hengx hopv diuv
4. Dorh leiz neyi mienh	4. Maiv zoux ciouv
5. Maaih hnyouv zipv kaeqv	5. Maiv mauv baeqc zoih
6. Haih njaaux mienh	6. Maaih hnyouv zipv Kaeqv
7. Maiv hengx hopv diuv	7. Hnamv zoux kuv sic
8. Mv zoux ciouv mborqv mienh	8. Haih zanv duqv ganh
9. Hnyouv suonc neyi	9. Baengh fim neyi
10. Maiv oix nzaeng jaax	10. Cing nzenge neyi
11. Maiv mauv nyaanh	11. Haih gunv duqv ganh
12. Gunv duqv ganh neyi hmuangv doic	12. Goux longx zien Doz
13. Njaaux ganh neyi fu'jueiv taaih ninh muangx ninh neyi waac	
14. Mv zeiz siang-sienx neyi mienh	
15. Ga'nyiec neyi mienh funx ninh se mengh dauh longx neyi.	

#### **Zoux mienh gox neyi nyungc zeiv se jienv haic...**

Hngangv Baulo njaaux Tidatc zoux neyi gong yiem Ke^litv  
1:5 (Crete) (a Greek , Gaa^laa^tia 2:3)nor, " *Yiem maanc sic*  
*meih yaac oix zuqc zoux longx neyi nyungc zeiv bun ninh mbuo*  
*zuotc. Njaaux doz neyi ziangh hoc oix zuqc ziepc zuoqv neyi*  
*longc hnyouv njaaux. Oix zuqc longc maaih gorn-ndoqv neyi*  
*waac, dongh maiv maaih dornx daanh neyi waac.*

*Hnangv naaiv caux meih doix-dekx wuov deix zuqc nyaiv weic zuqc lorz maiv duqv dornx daanh mbuo. Tidatc 2:7-8*

(Maaih gorn doqv fai gorn buonv =  
ei jienv Ging-Sou )Tidatc 2:1

**"Oix zuqc goux longx kaux duqv wuonv nyei zien doz,**

*(muangx yaac ei jienv zoux)"*

(Tidatc 1:9) By his **ROLE MODEL** (nyungc zeiv) ziouc haih njaaux mienh...

Ziouv Yesu nyei kuv bou se hnangv naaiv:

**" Oix zuqc faix fim longx-longx nyei goux jienv ganh caux ganh njaaux nyei doz-leiz. Meih longc hnyouv zoux nor , meih ziouc njoux ganh yaac njoux muangx meih nyei waac wuov deix." ( 1 Ti<sup>mo</sup><sup>^</sup>tai 4:16 )**

Mbuo jangx taux dongh Ye<sup>lu</sup><sup>^</sup>saa<sup>^</sup>lem Jiu Bang maaih sic nyauv taux bun nyanc hopv nyei jauv (Church of Jerusalem had conflict with daily food distribution, they chose seven with **good reputation and full of Holy Spirit** ). Ninh mbuo ziouc gin v siec dauh mengh dauh longx nyei caux maaih Singx Lingh dorh nyei mienh Gong-Zoh 6:3

MIENH HNANGV HAIV NOR GORNGV Ti<sup>mo</sup><sup>^</sup>tai

Gong-Zoh 16:2 ( Baulo gorngv nyei waac 1 Ko<sup>lin</sup><sup>^</sup>to 4:17, Fi<sup>lip</sup><sup>^</sup>poi 2:22)

**Mbuo samx mangc 3 diuh jauv:**

1. Mienh ceng Ti<sup>mo</sup><sup>^</sup>tai, ninh zoux nyei sic mienh buatc longx
2. Maiv zeiz 1 dauh mv baac maaih mienh camv nyei gorngv ninh kuv mienh. ( Ndongc haaix maaih dauh baav oix daanh, mv baac mbuo samv duqv cuotv...)
3. Li<sup>saa</sup><sup>^</sup>da caux I<sup>ko</sup><sup>^</sup>ni<sup>^</sup>yum mungv nyei mienh yaac ceng ninh. Maiv daan horpc ga'nyiec nyei mienh gorngv longx hnangv, yiem biau v yaac horpc longx.

Dongh naaiv nyungc mienh aqv Baulo oix longc caux ninh zoux gong.(Mbuo yaac oix nyei) Longc ziangh hoc lauh nyei aqc nyei ceix mengh dauh longx nyungc zeiv longx nyei bun mienh haih sienx mbuo, mv baac mbuo dauh dauh sienx Yesu mienh horpc maaih hnyouv hoqc taux duqv

NAAIV SE MAAIH MENGH DAUH LONGX NYEI MIENH

**Ninh hnyouv zingx yiem nyungc-nyungc jauv**

Ninh maaih Yesu nyei nyungc zeiv

Ninh se longx nyei die

Ninh hnamv mienh, auv, hmuangv doic

Ninh maaih noic njiec qaqv zoux gong

Ninh benx zatv ganh nyei mienh

Ninh ei jienv ninh nyei waac zoux

Ninh mv ei ganh nyei hnyouv fai ceng-hlo

Ninh caux mienh zoux haaix nyungc, mienh yaac kuh yiem nyei

Ninh maiv guangc meih

Ninh maiv nyanc mienh nyei m'ngorngv

Ninh maiv zeiz hnamv lorz qangx zoux haaix nyungc weic ganh

Nin maiv heuc mienh zoux haiv nyungc weic ninh ganh nyei

nza'hmien.

Ninh zoux sic faix fim nyei mbenc jienv mingh.

Ninh se dorh leiz nyei mienh.

Ninh sei hnyouv baengh nyei mienh

Ninh longc ziangh hoc, caux zoux nyei sic guai nyei.

Ninh nyei ga'qiex maiv beqv

Ninh zoux haiv nyungc yaac zoux duqv nyiouh nyei.

Ninh muangx yaac taaih doz leiz.

Ninh buangh kouv aqc nyei yaac diev jienv.

Ninh zoux dornx nyei ninh yaac yiemc, yaac laengz

Ninh zoux dornx nor mienh njaaux ninh yaac duqv nyei.

Ninh zoux nyei se haiz mv zeiz mienh aapv ninh zoux.

Ninh se hnyouv zingx nyei mienh.

Ninh maaih hnyouv guaax taux dauh dauh mienh

NAAIV DEIX WAAC HAIH TENGX MBUO HIUV DUQV  
MENGH DAUH LONGX FAI WAAIC

(Weic zuqc dorh jiu bang nyei mienh horpc zuqc mengh dauh longx nyei)

1. Dongh nitv fatv jiex wuov deix gorngv yie maaih mengh dauh longx nyei fai?  
 Yie nyei auv, fu'jueiv, loz-gaeng doic. Dongh mv hiuv yie longx wuov deix, ninh mbuo gorngv yie maaih nyei mv baac mv zien, weic zuqc ninh mbuo mangc beih zaangc, ziangh duqv longx nyei, gorngv waac mbiaangc nyei, mv baac hnyouv m'nziex ganh nyungc nyei.)
2. Mienh gunv zoux gunv camv daaih lorz yie, weic oix caux yie jiu tong taan ninh mbuo nyei maengc fai?  
 Oix bingx jienv nyei waac mv ninh mbuo mbuox yie nyei fai?
3. Mienh jaa hiuv duqv yie longx, mienh jaa oix yie fai?  
 Fai hiuv duqv yie longx deix ziouc mv caux yie zoux doic aqv.
4. Mienh oix yie yaac sienx yie nyei fai?
5. Mienh oix caux yie zoux gong yaac sienx yie mv guangc ninh mbuo fai? ( Se gorngv mv hiuv nor lorz ziangh hoc naaic oc.)

## 2. Longc Nduqc dauh auv hngangv

Jiu baang nyei mienh gox oix zuqc zoux maiv maaih dorngx Daanh nyei mienh, **longc nduqc dauh auv**,...  
 ( 1 Ti^mo^tai 3:2 )

Nduqc dauh auv nyei eix leiz se horpc zuqc ziepc zuoqv nyei longc ninh ganh nyei auv hngangv, maiv hienx ganh dauh auv fai siev yaac maiv hngangv zinh ndaangc mv hiuv Tin-Hunghe nyei ziangh hoc wuov longc zix dauh auv aqv.

Mbuo yaac buac Ziouv Yesu gorngv, " Haaix dauh buac dauh m'sieqv dorn, yaac haiz hanc se dorngx hienx liuz aqv." Matv^taai 5:28 M'jangc se yietc nzengc lorz nyanc gauh henv deix, m'sieqv yaac maaih mv baac gauh zoqc. Hngangv naaiv mbuo m'jangc dorn zoux taux dorh jiu abng nyei mienh nor mbuo oix zuqc aengx gauh faix fim.

Dorng jaa nyei mienh se gauh haih diev duqv deix zuqc seix buangh liouh nyei jauv weic zuqc ninh mbuo maaih gox-auv fiu ga'qieq. Daan sin mienh se gauh aqc duqv diev. Dorng jaa mienh mv baac dongh maaih hopc fim caux doic nyei mienh se gauh diev duqv, dongh mv maaih wuov deix.

Baaulo njaaux nqox caux auv, " Laanh oix zuqc nyunc laanh... ( Weic bun i hmuangv maiv zuqc mingh hienx ganh dauh.) 1 Ko^lin^to 7:3-5 Se gorngv auv maiv bieqc hnyouv taux m'jangc dorn nyei jauv nqox oix zuqc mbuox.

Daan-sin mienh se gauh aqc duqv simv deix weic zuqc ninh mbuo hnyouv jorm nyei ziangh hoc (sex drive) mv maaih dorngx daan. Nduqc diuc jauv haih tengx ninh mbuo se zuotc Yo^sepv nyei nyungc zeiv caux Baulo njaaux yiem 2 Ti^mo^tai 2:22 ...  
**oix zuqc simv nqoi, maiv dungx zoux hngangv mienh lunx mienh nyei hnyouv hanc zoux nyei sic...**

Mv duqv kungx mv zoux haiv nyungc haih dorngc hngangv Ndaa^witv Hunghe nor.

## 3. Haih Zanv Ganh (gunv duqv ganh)

Jiu bang nyei mienh gox oix zuqc zoux maiv maaih dorngx daanh nyei mienh, longc nduqc dauh auv, **haih zanv ganh**,...  
 1 Ti^mo^tai 3:2

Naaiv nyungc mienh, ninh nyei sienx fim maaih gorn-ndoqv wuonv nyei, maiv hlungh hluotv, hnyouv maiv heng. Ninh hnamv nyei jauv, caux zoux nyei sic se mengh nyei cing nyei.

Hnyouv suonc diev duqv nyei mienh. Baulo yaac longc naaiv joux waac yiem 1 Te^saa^lo^ni^gaa 5:6

**" Hnangv naaiv mbuo maiv dungx hnangv nyieqc nyei mienh m'njormh. Oix zuqc ging jienv hnyouv, gunv jienv ganh,"**

Ziepc zuoqv Tin-Hungh nyei mienh (mature Christian man) zieqv duqv yaac hiuv duqv yiem naaiv **"seix zaangc douc baav nyei ga'naaiv"** Yiem naaiv seix zaanc maiv maaih gorn ndoqv nyei ga'naaiv maiv haih nduov maiv zuqc ninh. Weic zuqc ninh hiuv dingc, horpc zuqc lorz, wuonv nyei, yietc liuz nyei ga'naaiv yiem tin-dorngh wuov hnangv.

**"MAAIH SIENX FIM NYEI MIENH"** Hipv^lu 11 zaang

1. Aa^mben 11:4
2. No^yaa 11: 7
3. Apc^laa^haam 11:8
4. Mose guangc jienv hungh weic biaux 11:23

Naaiv deix mienh maaih sienx fim, ninh mbuo yaac ei jienv ninh mbuo nyei sienx fim zoux, maiv zeiz kungx nzuih gorngv hnangv. Tin-Hungh laengz bun ninh mbuo nyei, ninh mbuo yiem naaiv seix zaangc mv gaengh duqv, weic zuqc ninh mbuo sienx, ninh mbuo ziouc hiuv duqv ninh mbuo nyei fun-faqqv oix duqv, ninh mbuo yaac oix duqv yiem tin-dorngh.

Ih jaax Tin-Hungh nyei mienh, **dongh haih zavn ganh fai gunv duqv ganh wuov nyungc mienh** za'gengh e jienv Tin-Hungh laengz bun nyei zoux jienv mingh aqv. Ninh nyei hnyouv haiv zanc yaac ging jienv zuov Giduc oix nzuonx nyei ziangh hoc ziouc duqv orn-lorqc aqv. Maiv daan naaiv hnangv ninh yaac oix tengx jiu bang mienh nyei sienx fim henv daaih yaac zuov naaiv norm hnoi.

Ninh yaac longc Hipv^lu 12:1-2 zoux nyungc zeiv bun mienh zuotc.

1. Haiv nyungc benx torngv javv nyei ga'naaiv ?
2. Haiv nyungc benx nyau mbuo nyei ga'naaiv ?

## MAAIH LAMH HNAMV DORNGX NYEI MIENH

1. Kaux Yesu duqv siang yungz jiex, yietc liuz maaih lamh hnamv dorngh. Duqv siouc mv haih mietc, mv haih huv mv haih zite nyei buonc yiem tin-dorngh ( 1 Bide 1:3-4 )
2. Hiuv zien leiz nyei gorn-ndoqv bun mienh maaih lamh hnamv oix duqv yietc liuz nyei maengc, dongh maiv gorngv-baeqc nyei Tin-Hungh laengz bun... ( Tidatc 1:2 )
3. Maaih lamh hnamv oix duqv nyei orn-lorqc.... (Tidatc 2:13)
4. Hnamv Yesu zoux gong kouv, yaac kaux wuonv Ziouv Yesu maaih lamh hnamv. ( 1 Te^saa^lo^ni^gaa 1:3

## MAAIH HNAMV MIENH NYEI HNYOUV

Haih zavn ganh nyei mienh se maaih hnamv mienh nyei hnyouv... (1 Tesaalonigaa 5:8)  
Baulo yaac gorngv taux naaiv deix se jienv haic nyei buo nyungc, sienx fim, maaih lamh hnamv dorngh, maaih hnamv mienh nyei hnyouv. Mv baac gauh jienv jiex se

## HNAMV MIENH NYEI HNYOUV.

Naaiv deix yietc zungv se porv mengh maaih hnamv mienh nyei hnyouv wuov nyungc mienh. Baulo gorngv,

Hnamv se **suonc hnyouv**  
hnamv se **hnyouv longx**  
hnamv se **maiv mueic jieqv, ma hanc, m'zing mv liangv**  
hnamv se **maiv ceng-hlo, maiv bungx waac-maux**  
hnamv se **maiv zoux maux**  
hnamv se **dorh leiz**  
hnamv se **maiv douh ganh duqv longx**  
hnamv se **maiv qiex jiez siepv**  
hnamv se **maiv jangx mienh zoux dorngh nyei sic**

hnamv se **maiv a'hneiv waaic nyei sic**  
**M'baac kungx a'hneiv zien leiz hngangv**  
 ( 1Ko<sup>lin</sup>to 13:4-6)

**Naaiv deix waac tengx Zaah ganh se haiv nyungc mienh**

1. Yie za'gengh sienx Tin-Hungh, sienx Ging-Sou nyei fai ?
2. Yie za'gengh sienx Ninh ziangh jienv, yaac sienx Ziouv Yesu aengx daaih nyei fai?
3. Se gorngv yie sienx nyei, yie zoux nyei sic ei yie sienx wuov nyei fai ? (Ging-Sou)  
 ( Do I have the hope of my calling?)
4. Yie za'gengh sienx Tin-Hungh heuc yie zoux naaiv norm gong nyei fai ?
5. Yie douh baamh gen nyei ga'naaiv fai tin-dorngh nyei ?
6. Dorh 1 Kolinto 13 daaih ndorqc yie ganh,  
 Yie hnyouv suonc nyei fai?  
 Yie hnyouv longx nyei fai ?  
 Yie njapv nyei fai ?  
 Yie maaih hnyouv zatv ganh nyei fai ?  
 Yie hnyouv zingx nyei fai ?  
 Yie hnyouv baengh nyei fai?  
 Yie maaih mueic jieqv mienh nyei hnyouv nyei fai?  
 Yie nipc win nyei fai?  
 Yie mienh kuinx yie duqv nyei fai?  
 Yie nzorng waaic caux orqv sic nyei fai?  
 Yie kungx a'hneiv kuv sic hngangv, zeiz nyei fai?

**NAAIV DEIX SE NJAAUX MBUO**

1. Longc yie nyei nzuih gorngv cuotv ceng Ziouv laengz zingh Ziouv nyei waac.
2. Hoqc zipv Tin-Hungh laengz bun mbuo nyei ngaengc waac **Nyungc zeiv:** Lomaa 10:9 Sienx yaac nyiemc duqv njoux aqv. Yie za'gengh hngangv naaiv sienx ziouc duqv aqv. Maiv dungx hnamv camv gorngv m'nziex yie mv haih zoux longx ziouc mv duqv njoux mv be.

3. Hnoi-hnoi doqc Ging-Sou yaac daaux gaux.
4. Taan yaac lorz hnamv Tin-Hungh nyei mienh, maaih sic nyungc mbuo bange Yesu mienh ndaangc.
5. Buangh kouv nyei ziangh hoc yaac sienx Tin-Hungh maaih nyungc oix njaaux mbuo.

**4. Gunv Duqv Ganh**

*Jiu bang nyei mienh gox oix zuqc zoux maiv maaih dorngh daanh nyei mienh longc nduqc dauh auv, haih zanv ganh, gunv duqv ganh, 1 Ti<sup>mo</sup>tai 3:2*

*Daaux nzuonx ninh oix zuqc maaih hnyouv zipv kaeqv, hnamv zoux kuv sic, haih zanv duqv ganh, zuox baengh fim nyei, cing nzengc nyei, yaac haih gunv duqv ganh. 1 Tidatc 1:8*

Yosepv haih gunv duqv ganh, maiv caux Bo<sup>di</sup>faa nyei auv.  
 (Tin-Deic Douh 39.1-12, Gen )

Mbuo hngangv haiv nor haih zieqv duqv naaiv nyungc mienh?

Naaiv nyungc mienh se mv ceng-hlo, mv baac zatv ganh yaac hiuv duqv ninh maaih nyei zingh nyei, ninh haih zoux gong se Tin-Hungh bun daaih hngangv, cuotv liuz maiv zeiz Tin-Hungh nyei en mv zeiz Yesu nyei hnamv nor ninh mv zic haiv nyungc zinh aqv.

Ninh yaac oix zuqc maaih doix-dangc (balance). Zoux gunv duqv ganh nyei mienh yaac mv zeiz gamh nziex jiu bang dorngh Tin-Hungh yaac gamh nziex mv gorngv.

Weic zuqc Baulo gorngv, " *Tin-Hungh ceix bun mbuo se maiv zeiz gamh nziex nyei hnyouv. Ninh mbuo nyei hnyouv maaih qaqv, bun mbuo hnamv mienh, yaac haih gunv duqv ganh.*" 2 *Timotai 1:7*

Mbuo yietc nzengc maaih 2 nyungc Yesu mienh. Da'yietv nyungc funx ganh maiv zic haiv nyungc zinh, da'nyeic nyungc

yoc ceng, taaih ganh camv cung mingh. Naaiv deix 2 nyungc yietc zungv maiv horpc. Da'yietv mbuo horpc zuqc hiuv duqv gorngv mbuo hnanv haaix se yietc zungv Tin-Hungh nyei en hnanv. Da'nyeic mbuo yaac horpc zuqc hiuv duqv gorngv mbuo benx baamh mienh hnanv, mv Tin-Hungh yaac bun ninh nyei qaqv mbuo longc zoux ninh nyei gong.

## 5. MIENH TAAIH NYEI MIENH

(Puix duqv bun mienh taaih nyei.)

*Jiu bang nyei mienh gox oix zuqc zoux maiv maaih dornx daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh,*  
1 Timotai 3:2

Maiv dungx hnamv zornj jiax. Laaix mbuo nyei zornj-zuqv laanh Giduc nyei kuv fiensex

### Mbuo yietc zungv oix zuqc zornj hnyouv nzueic

Maiv oix bun haiv nyungc **laanh Giduc nyei kuv fiensex.**

(1 Cor 9:12)

Baamh gen nyei, oix zuqc mbuoqc ganh nyei ziouv

(Tidatc 2:9)

Mbuo dauh dauh zoux Yesu nyei bou mbuo gauh horpc zuqc mbuoqc NINH. Bun cing mbuo zoux nyei nyungc-nyungc duqv mienh taaih Tin-Hungh nyei doz

Tidatc 2:10

**Teng samx vie nyei nza'hmien** (personal)

(Be honest with yourself - ziepc zuoqv nyei naaic ganh)

1. Ziepc zuoqv yiem Tin-Hungh nyei nza'hmien naaic yie ganh.
  - a. Yie nyei beih zaangc puix duqv Ging-Sou njaaux nyei waac nyei fai ?

---



---

b. Yaac caux duqv mbuo nyei leiz fingx njiec nyei fai?

---



---

c. Yie nyei zornj-zuqv oix bun mienh buatac fai bun Ziouv buatac ?

---



---

d. Yie nyei biau v maaiz daaih bun mienh ceng fai bun Ziouv Yesu duqv njang-laangc?

---



---

e. Yie nyei cie maaiz daaih bun mienh ceng fai bun Ziouv Yesu duqv njang-laangc?

---



---

f. Yie gorngv nyei waac ni bun yie ganh maaih mengh dauh fai bun Ziouv duqv njang-laangc?

---

g. Yie nyei maengc yie zoux nyei sic ni? Zuangv Ziouv Yesu nyei fai?

---

**Mbuo lomh nzoih buih naaiv yiem Ging-Sou daaih ndorm muonz ei jienv zoux oc.**

*"Weic naaiv, maiv gunv meih mbuo (YIE) nyanc fai hopv fai zoux haaix nyungc, yietc zungv oix zuqc zoux weic bun mienh taaih Tin-Hungh." 1 Ko<sup>lin</sup>to 10:31*

## 6. Maaih Hnyouv Zipv Kaeqv

*Jiu bang nyei mienh gox oix zuqc zoux maiv maaih dornx daanh nyei mienh, longc nduqc dauh auv, haih zanv ganh, gunv duqv ganh, zoux doh leiz nyei mienh, **maaih hnyouv zipv kaeqv...** 1 Timotai 3:2*

Zipv kaeqv nyei javv se maiv zeiz yietc diuh siang-leiz bun mbuo Yih Mienh. Weic zuqc mbuo Yih Mienh nyei leiz fingx m'daaiah hnangv naaiv. Maiv gunv mbuo sienx fai maiv sienx mbuo m'daaiah faix nyei zipv jienv kaeqv daaih aqv.

Mv baac mbuo benx Ziouv Yesu nyei mienh mbuo zipv kaeqv nyei eix horpc zuqc ganh nyungc. Hnangv haiv nor ganh nyungc, zinh ndaangc mbuo maiv maaih Tin-Hugh nyei hnamv. Mbuo zipv kaeqv se longc hmien minc, se gorngv butv zoih maaih mengh hoc nyei mienh nor zipv gauh longx. Daix jae-gorngx-im bun nyanc. Mv baac se gorngv mienh jomc mienh fai

mv maaih haiv nyungc mengh nyei mienh nor, zouv lai maeng bun nyanc hnangv.

Mv baac mbuo benx Giduc mienh mbuo horpc zuqc hnamv dauh dauh fih hnamv nyei.  
Ging-Sou gorngv, "*Se gorng mbuo taav naaiv dauh mange piex wuov dauh, meih mbuo ziouc baamz zuiz.*" Yaagorpc 2:9  
Hnangv naaiv mbuo horpc zuqc hnamv dauh dauh zipv dauh dauh fih hnangv nzengc.

Ging-Sou gorngv mbuox mbuo, "*Meih mbuo oix zuqc zanc-zanc hnangv muoz-doic nor, laanh hnamv laanh. Oix zuqc jangx jienv longc hnyouv zipv maiv buac jiex nyei kaeqv mienh.* Hipv<sup>lu</sup> 13:1-2

Sienx Yesu mienh zipv kaeqv se longc naaiv nyungc hnyouv zipv:

- a. Hnyouv ndaavv nyei zipv
- b. Longx hnyouv nyei zipv
- c. Longc dorh leiz nyei eix zipv
- d. Maiv douh ganh duqv longx cingx longc hnyouv zipv
- e. Suonc hnyouv zipv
- f. Longc noic zipv
- g. A'hneiv nyei zipv

(1 Ko<sup>lin</sup>to 13, Gaa<sup>laa</sup>tie 5:22)

## 7 Haih Njaaux Mienh

*Jiu bang nyei mienh gox oix zuqc zoux maiv maaih dornx daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh, maaih hnyouv zipv kaeqv, yaac **haih njaaux mienh.** 1 Timotai 3:2*

Mbuo haiv zanc buac naaiv joux waac " HAIH NJAAUX MIENH " mbuo ziouc hnamv taux domh fin-saeng dongh duqv doqc jiex sou hlang nyei wuov nyungc.

Dongh guai nyei, maaih banh zeic njaaux duqv longx haic, haiv zanc ninh njaaux nor mienh nyei m'normh ciakv-ciakv nyei muangx wuov nyungc mienh.

Se gorngv mbuo kungx lorz naaiv nyungc mienh nor, mbuo Yih Mienh m'nziex maiv maaih yietc dauh. Wuov nyungc mbuo gorngv naaiv nyungc mienh mbuo maiv qiexx zuqc aqv fai, mbuo za'gengh qiexx nyei, se gorngv haih lorz duqv naaiv nyungc mienh zoux mienh gox za'gengh longx haic.

Mbuo buac Ging-Sou gorngv naaiv nyungc zingh nyeic mv zeiz dauh dauh haih maaih.

**Doqc** E<sup>fe</sup>so 4:11

**Aengx Doqc** 2 Ti<sup>mo</sup>tai 2:24

*Ziouv nyei bou maiv horpc zuqc nzaeng jaax. Daaux nzuonx oix zuqc zoux longx bun zuangx mienh, oix zuqc njaaux longx yaac maaih noic*

Se gorngv mbuo mangc liuz naaiv yiemc Ging-Sou buac yiem huing nzuonx nyei waac (context) nor mbuo buac eix leiz se gorngv taux, ZAANGC HORNGH maengc, KUV MAENGC, Buonh suonc mienh, hnyouv longx hnyouv ndaauv, hnyouv suonc, Haih kuinx, haih orn hnyouv, haiv nyungc mienh maiv bieqc hnyouv haih porv mengh bun mienh muangx.

- Naaiv nyungc mienh maiv caux mienh nzaeng jaax,
- Oix zoux longx nyei sic bun dauh dauh mienh
- Buac mienh zoux mv horpc ninh longx noic kuinx longc noic njaaux
- Ninh njaaux mienh yaac duqv MIENH njaaux ninh yaac duqv

Jangx jienv mbuo ganh mv haih buac nzengc fai hiuv nzengc nor mbuo mbuo ganh nyei zoux nyei sic. Weic naaiv maiv dungv hnamv gorngv YIE gauh guai jiex, YIE gauh hiuv camv, YIE ganh maaih Singx Lingh dorh hngangv, naaiv OIX ZUQC FAIX FIM, weic Ging-Sou gorngv," Lomaa 3:10,12 "

**Nyungc zeiv:** Maaih dauh gorngv, " Yie maaih Singx Lingh buangv nzengc, yie mv zuqc mienh tengx yie daaux gauh, fai yie maaih Singx Lingh dorh yie mv zuqc muangx mienh kuinx yie."

- Longx nyei bieiv se dongh mienh haih tengx zorc duqv nyei wuov nyungc mienh.
- Dorng jienv gorngv doqc, ninh yaac mv lorz wac-doqc jaauv nzuonx
- Mienh mborqv ninh yaac haih nyaangc duqv mv jaauv nzuonx ( huin wuov bung)

#### ZUOQC GING-SOU

Zoux mienh gox fai zoux bieiv nyei mienh horpc zuqc zuoqc Ging-Sou (Tin-Hungh nyei Waac) yaac sienx wuonv nyei e jienv Ging-Sou nyei waac, hngangv naaiv buangh zuqc sienx dorngc wuov deix ninh cingx daaih haih tengx wuov deix mienh.

#### BIEQC HNYOUV GING-SOU

Maiv daan horpc zuqc haih gunv duqv ganh caux zuoqc Ging-Sou yaac sienx Ging-Sou se Tin-Hungh nyei zien waac hngangv, mv baac oix zuqc bieqc hnyouv Ging-Sou longx nyei cingx daaih haih souv wuonv doix dekc jaav nyei leiz.

Se gorngv maiv hiuv camv mv baac maaih hnyouv oix zoux mienh gox dorh jiu bang wuov nyungc longx aqv, ziouc haih duqv jiex gorn longc hnyouv hoqc Ging-Sou (Tin-Hungh ) nyei waac.

Weic zuqc Ging-Sou gorngv, 2 Ti<sup>mo</sup>^tai 2:15 (doqc)

Hnangv haiv nor hoqc fai mingh haaix hoqc?

- a. Daaux gaux tov Tin-Hungh njaaux mbuo tengx mbuyo bieqc hnyouv, ziouc jiex gorn doqc aqv.
- b. Haaix norm dorngx maiv bieqc hnyouv naaic meih mbuo nyei fin-saeng.
- c. Muangx mienh zunh doz, muangx janx zunh doz.
- d. Haaix ndau maaih dorngx fai maaih qangx ziouc mingh wuov hoqc Gin-Sou aqv.
- e. Mingh leiz-baaix horqc caux jienv hoqc
- f. Bieqc Lioux Singx Bou Wuic
- g. Bieqc Domh Mienh Wuic.....

## 8 MAIV HENGX HOPV DIUV

*Jiu bang nyei mienh gox oix zuqc zoux maiv maaih dorngx daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh, maaih hnyouv zipv kaeqv yaac haih njaaux mienh. **Ninh maiv hengx hopv diuv***

1 Timotai 3:2-3

Hengx hopv diuv se mbuo gorngv zaqc nor se CEI diuv aqv. Diuv se maiv haih tengx mbuo duqv longx nyei haiv nyungc, mv baac se gorngv mbuo hengx fai cei nor ziouc hopv aqv. Se gorngv mbuo hopv jiex ndaangc, mbuo ziouc maiv haih gunv ganh nyei sin, maiv haih gunv ganh nyei nzuih, maiv haih gunv ganh nyei hnyouv.

Maaih deix daix mienh se laaix hopv diuv ( niouv cie ) ....

Diuv se bun mienh zoux waaic sic... E<sup>fe</sup>^so 5:18

Noyaa laaix aagun diuv meih, ziouc cuotv sic  
(Tin-Deic Douh 9:21-26)

Lode (Lot) laaix diuv meih, zoux sic mv hopc  
(Tin-Deic Douh 19:32-35)

Diuv fai beer nduov maiv zuqc guai nyei mienh

(Congh Mengh 20:1)

Maiv dungv caux hopv diuv henv nyei mienh

(Congh Mengh 23:19-21)

*31 Weic naaiv, maiv gunv meih mbuo nyanc fai hopv fai zoux haaix nyungc, yietc zungv oix zuqc zoux weic bun mienh taaih Tin-Hungh. 32 Maiv dungx zoux haaix nyungc bun (cause) Yiutai Mienh fai Janx fai Tin-Hungh nyei jiu bang haih baamz zuiz. 33 Oix zuqc hnangv yie nor, zoux haaix nyungc yie zoux bun zuangx mienh a'hneiv. Yie maiv douh yie ganh duqv longx, yie zoux bun zuangx mienh duqv longx, weic bun ninh mbuo duqv njoux. 1 Meih mbuo oix zuqc zuotc yie nyei nyungc, hnangv yie zuotc Giduc nyei nyungc nor.*

1 Ko<sup>lin</sup>^to 10:31-11:1

*Ging-Sou maiv gorngv dangx nzengc gorngv, maiv bun horpv, mv baac Ging-Sou gorngv, " Se gorngv laaix yie nyanc nyei, hopv nyei, zoux nyei haih nduov mienh zoux dorngc fai baamz zuiz, fai bun mienh maiv taaih Tin-Hungh nor yie ziouc maiv nyanc, maiv hopv, yaac maiv zoux aqv. Nitv Tin-Hungh nyei mienh maiv bun diuv gunv ninh, maiv butv diuv nyei inv.*

HAIV dauh buatac jiex mienh buangh sic laaix hopv diuv nyei fai? (Maiv gorngv mbuox)

## 9 MAIV NZAENG-NGAENG

(Mv ei ganh nyei hnyouv)

*Weic zuqc Jiu Bang nyei bieiv zeiv se Tin-Hungh nyei gunv gong mienh, ziouc horpc zuqc maiv maaih dorngx bun mienh daanh. **Ninh maiv nzaeng-ngaeng**,... Tidatc 1:7*

Meih mbuo duqv buatac jiex dauh baav mienh, mv gunv caux ninh nyei hmuangv doic, fai jiu baang doic, fai caux haiv dauh yaac baac kungx oix ei ninh ganh nyei hnyouv hnangv.

Naaiv nyungc mienh maiv haih ei ganh dauh, mv haih nyiemc-suei mv gunv horpc fai mv horpc.

Maaih dauh mienh maaih auv caux biei dauh fu'jueiv. Ninh yaac benx Yesu mienh. Norm-norm leiz-baaix dorh jienv hmuangv doic mingh zoux leiz-baaix, aengx muonz-muonz dorh jienv hmuangv doic zoux leiz baaix yaac yungz longx hmuangv doic. Yiem leiz-baaix dorng h buac ninh mbuo se benx longx nyei yietc biau v mienh. Mv baac zuov mbuo naaic ninh nyei hmuangv doic nor, ninh mbuo gorngv ninh gunv hmuangv doic hnavg gunv saeng-kuv nor. Da'faanh ninh yiem jienv nyei ziangh hoc nor, hmuangv doic oix zuqc ei nzengc ninh aqv.

Aengx maaih dauh, ninh zoux gong yiem hong-njaanh. "Ninh hnamv daaih, ninh yietc liuz maiv zoux dorngc." Naaiv se ninh nyei zoux gong doic gorngv, ninh yaac hiuv duqv ninh zoux dorngc nyei. Ninh nyei gong ziouv yaac gorngv, "Ninh yietc liuz mv nyiemc ninh zoux dorngc" Gauh nzauh jiej se dongh naaiv, hnavg naaiv mv baac ninh corc daan KUV FIENX bun mienh muangx nyei. Laaix ninh mv maaih kuv nyungc zeiv, maiv maaih haaix dauh muangx ninh gorngv nyei waac.

Naaiv se dongh nzaeng-ngaengc nyei mienh aqv. Nduc diuh jaangh-nduc diuh jienz nyei mienh. Naaiv nyungc mienh zoux mienh gox goux Tin-Hungh nyei ba'gi yungh yiem jiu bang nor, ninh mbuo nyei eix haih maaih hnavg mienh aapv ninh mbuo zoux.

Ninh yaac oix gunv jienv jiu bang mienh, zoux naaiv nyungc sis se maiv doix Ging-Sou njaaux nyei waac.

(1 Bide 5:2-3)

## 10 QIEX MAIV BEQV

*Weic zuqc Jiu Bang nyei bieiv zeiv se Tin-Hungh nyei gunv gong mienh, ziouc horpc zuqc maiv maaih dorngc bun*

*mienh daanh. Ninh maiv nzaeng-ngaengc, qiex maiv beqv...*  
Tidatc 1:7

Ga'qiex beqv nyei jauv se dongh yietc nyungc mbuo dauh dauh aqc duqv gunv, aqv duqv zorc nyei dorngx. Mv baac se gorngv mbuo longc hnyouv tov Tin-Hungh tengx mbuo nor mbuo haih zorc duqv nyei. Doqc Fi^lipv^poi 4:13

Baulo gorngv qiex jiez nyei ziangh hoc, maiv dungv qiex jiez daaih baamz zuiz. **Doqc E^fe^so 4:26** Baulo yaac maiv zeiz gorngv mbuox mbuo qiex jiez se longx nyei fai gunv qiex jiez, maqh, mv baac weic zuqc mbuo baamh mienh biaux maiv ndutv ninh cingx daaih njaaux mbuo qiex jiez nyei ziangh hoc mv dungv qiex jiez daaih zoux dorngc Tin-Hungh.

### HNANGV NAAIV QIEX JIEZ SE MAAIH ZUIZ

Qiex jiez siepv nyei yaac oix jaaub win. Tidatc 1:7  
Maiv dungx dorh orqv winh orqv Lomaa 12:17  
Jaaub win se Tin-Hungh nyei gong, mv zeiz lorz qangx jaaub win  
Lomaa 12:19  
Maiv dungv dorh orqv winh orqv, mv baac dorh longx nyei winh  
orqv 1 Bide 3:9

Qiex jiez, nipc win, ziox hnoi, ziox hnyangx Lomaa 12:21  
Qiex jiez Maiv dungx bun mba'hnoi muotv Efeso 4:26  
Qiex jiez zoux mv haih zoux horpc Tin-Hungh nyei za'eix.  
Yaagorpc 1:20

### QIEX JIEZ NYEI GORN-AENGX YIEM HAAIX DAAIH

Maiv dungv caux ga'qiex beqv nyei mienh, m'nziex meih haih hnavg ninh Pro 22:24-25  
Se gorngv die maa ga'qiex beqv fu'jueiv biaux maiv ndutv weic zuqc caux jien yiem.

Die maa nauc fu'jueiv, lauh deix fu'jueiv zuotc daaih nauc nzuonx fai nauc ganh dauh.

## 11 MAIV ZOUX CIOUV

*Weic zuqc Jiu Bang nyei bieiv zeiv se Tin-Hungh nyei gunv gong mienh, ziouc horpc zuqc maiv maaih dorngx bun mienh daanh. Ninh maiv nzaeng-ngaeng, qiex maiv beqv, maiv hengx hopv diuv, maiv zoux ciouv...* Tidatc 1:7

Mbuo mangc Kaain (Cain) nyei nyungc, ninh mueic jieqv Tin-Hungh zipv ninh youz nyei fongc horc maiv zipv ninh nyei. Ninh horpc zuqc zaah ninh ganh nyei hnyouv caux ninh zoux nyei sic mangc haiv norm dorngx maiv puix Tin-Hungh ninh horpc goiv zoux horpc. Daaux nzuonx ninh qiex jiez -zoux ciouv daix ninh nyei youz. Laaix ninh hngangv naaic Tin-Hungh dingc ninh nyei zuiz hniev haic. ( Tin-Deic Douh 4:1-15 )

Mose yaac benx Tin-Hungh ganh ginv daaih dorh I^saa^laa^en Mienh nyei bieiv, mv baac hnyouv beqv zoux ciouv mborqv I^yipv Janx ziouc buangh hlo nyei sic. Tin-Hungh nyei ziangh hoc mv gaengh taux ninh zoux ndangc ziouc zoux maiv mingh. (Gong-zoh 7:20-29)

Maiv dungv zoux ciouv caux mienh doix-dekc ( Matv^taai 5:38-39 )

Mienh zoux ciouv bun mbuo, mbuo hngangv haaix mbenc ( Matv^taai 5:38-42 )

## 12 MAIV OIX NZAENG JAAX

*Jiu bang nyei mienh gox oix zuqc zoux maiv maaih dorngx daanh nyei mienh, longc nduqc dauh auv, haiah zanv ganh, gunv duqv ganh, zoux dorh leiz nyei mienh, maaih hnyouv zipv kaeqv yaac haiah njaaux mienh. Ninh maiv hengx hopv diuv, maiv zoux ciouv mborqv mienh, hnyouv suonc nyei, maiv oix*

*caux mienh nzaeng jaax, yaac maiv mauv nyaanh*  
1 Ti^mo^tai 3:2-3

Maaih dauh mienh nyei mbuox heuc Zanx-Liouh, guai haic maaih ninh ganh nyei gong zoux sa'eix (saeng-eix) yaac wange. Ninh oix haic duqv zoux hlo sangx (order) mienh wuov dauh. (He enjoys being "top dog." Ninh nyei gong-mienh yaac longc qaqv e jienv ninh nyei waac zoux.

Mv lauh ndongc haaix jiu baang ginv ninh zoux jiu baang mienh gox. Mv baac jiu baang mv hiuv duqv ninh nyei hnyouv. Se gorngv ninh duqv zoux paaiv mienh wuov dauh nor longx aqv. Mv zeiz nor ninh doix dekc, mienh mbuoqc horngx aqv, nzunc-nzunc maaih caangh laangh nyei jauv nor ninh maaih nyauv nyei waac aqv.

Haiv nyungc horpc ninh nyei hnyouv nor longx aqv, se gorngv maiv horpc, ninh nzaeng. Za'gengh zoqc haic buac ninh maaih nzunc a'hneiv nyei yiem caangh laangh nyei ziangh hoc. Ninh oix longc hnyouv nyei lorz jauv daangv jienv jienv caangh laangh haiv nyungc yaac maiv tong. Ninh zoux nyei sic yietc nzengc ginv 8 - 1 doix dekc ninh. Ninh zoux nyei sic hoic jiu baang camv nyei, maaih mv horpc fim, maaih bun nqoi. Ninh maiv e haiv dauh, kungx e ninh gorngv nyei, maiv zeiz nor maiv bun zoux haiv nyungc aqv.

E ninh nyei gong wuov se ninh zoux duqv, weic zuqc ninh bun wuov deix mienh nyei nyaanh hlaax. Se gorngv ndortv yaac maiv zeiz ninh nyei bou ndortv se ninh ganh ndortv.

Naaiv dongh maaih hnyouv oix nzaeng-hingh nyei mienh. Ninh yaac sienx ninh ganh gauh guai. Naaiv mv doix Ging-Sou njaaux nyei.

( Lomaa 12:16, 14:19, 15:5-6, Efeso 4:1-3 )

### 13 HNYOUV SUONC NYEI

*Jiu bang nyei mienh gox oix zuqc zoux maiv maaih dornxg daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh, maaih hnyouv zipv kaeqv yaac haih njaaux mienh. Ninh maiv hengx hopv diuv, maiv zoux ciouv mborqv mienh, **hnyouv suonc nyei**, maiv oix caux mienh nzaeng jaax, yaac maiv mauv nyaanh*

1 Timotai 3:2-3

Hnyouv suonc nyei Giduc mienh se mv zeiz, ga'qiex beqv nyei mienh, maiv zeiz oix cuoqv sic mbuorqv jaax nyei mienh, maiv nzaeng-hingh nyei mienh, mv baac suonc nyei, maaih noic diev yaac hnyouv longx nyei mienh. ( Naaiv se longx haic nyei sic, mv baac aqc duqv zoux nyei sic.)

#### **Jiu Baang nyei mienh gox horpc suonc hnyouv bun 3 nyungc mienh**

1. Hnyouv suonc bun maiv gaengh sienx nyei mienh.  
( Tidatc 3:2 )  
**Yesu nyei nyungc:** Matv^taai 11:29  
**Suonc hnyouv yaac benx Singx Lingh dorh** nyei mienh  
( E^fe^so 4:2-3)  
**Ziouv nyei bou oix zuqc longc suonc hnyouv:**  
( 2 Ti^mo^tai 2:24-25 )
2. Hnyouv suonc bun sienx fim mau nyei mienh.  
( Gaa^laa^tie 6:1 )
3. Hnyouv suonc bun zuangx Yesu mienh ( Tin-Hungh gin ).  
Ko^lo^si 3:12-13

### 14 MAIV MAUV NYAANH

*Jiu bang nyei mienh gox oix zuqc zoux maiv maaih dornxg daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh, maaih hnyouv zipv kaeqv yaac haih njaaux mienh. Ninh maiv hengx hopv diuv, maiv zoux ciouv mborqv mienh, hnyouv suonc nyei, maiv oix caux mienh nzaeng jaax, yaac*

**maiv mauv nyaanh**

1 Timotai 3:2-3

Yietc dauh zoux missionary nyei nyungc zeiv. ( A true medical missionary's life)

Maaih dauh zun doz mienh zoux doctor, yaac mingh Africa zunh doz. Ninh aengx maaih dauh ninh nyei loz-gaeng doic yaac dingc ziangx oix mingh Africa, m'daaiah dongh ninh mingh wuov norm dornxg. Mv baac zoux gau ninh nyei loz-gaeng doic tiuv hnyouv ziouc maiv mingh aqv. Weic oix yiem Meiv Guoqv zoux doctor.

Naaiv dauh yiem Meiv Guoqv zoux doctor duqv nyaanh camv, butv zoih gor aqv.

Ninh longc buo torngx auv yaac lonngc maiv benx. Nqa'haav ninh ganh hoic ninh ganh nyei maengc ( committed suicide).

Naaiv se mv zeiz gorngv doctor mv zoux missionary aev mv benx, mv baac laaix hnamv nyaanh, nyaanh mv haih maiz maiv duqv baengh orn a'hneiv ziouc hoic ganh.

Naaiv yiem hnamv nyaanh nyei gorn cuotv daaih.

Hnamc nyaanh nyei mienh ninh mbuo lorz baamh gen nyei zinh zoih hngv, maiv zeiz lorz Tin-dorngh nyei. Hngv Ziouv Yesu gorngv nor, " Meih nyei zinh nyaanh yiem haaix meih nyei hnyouv yaac yiem wuov." ( Matv^taai 6:21)

Maiv dungx bun **MAUV NYAANH** nyei jauv **GUNV** meih nyei maengc...( Hipv^lu 13:5 )

**Mauv zinh mauv nyaanh se nyungc-nyungc orqv sic nyei gorn ...** laaix mauv nyaanh zuqc nzauh hngangv nzuqc baqv jienv mba'nziu nor...( 1 Ti^mo^tai 6:10 )

Nyaanh ganh se cing nzengc nyei, mv baac se gorngv hnamv nyaanh gauh camv Tin-Hungh, gauh camv mbuo nyei hmuangv doic nor ziouc cuotv orqv nyei sic aqv.

Butv zoih yaac Tin-Hungh nyei en, mv baac mauv butv zoih gauh camv, mauv Tin-Hungh nyei gong, fuh sux Tin-Hungh naaiv mv zeiz Tin-Hungh nyei za'eix. Naaiv maiv zeiz, mauv oix siou zinh zoix ( treasures ) yiem Tin-dorngh, mv baac mauv siou yiem baam gen hngangv.

Naaiv yietc zungv maiv zeiz gorngv, wuov nyungc mbuo maiv zuqc goux mbuo nyei zunh doz mienh, maiv zuqc bun gaux nyaanh hlaax ninh aqv. Se gorngv bun gaux ninh, ninh ziouc mauv nyaanh hngangv. Se maiv zeiz hngangv naaiv, weic zuqc Ging-Sou gorngv mbuo oix zuqc goux longx mbuo nyei zunh doz mienh. Ninh mbuo puix duqv zipv sungh gouv. (1 Ti^mo^tai 5:17 )

## 15 GUNV DUQV LONGX GANH NYEI HMUANGV DOIC

*Jiu bang nyei mienh gox oix zuqc zoux maiv maaih dorngh daanh nyei mienh, longc nduqc dauh auv, haih zanv ganh, gunv duqv ganh, zoux dorh leiz nyei mienh, maaih hnyouv zipv kaeqv yaac haih njaaux mienh. Ninh maiv hengx hopv diuv, maiv zoux ciouv mborqv mienh, hnyouv suonc nyei, maiv oix caux mienh nzaeng jaax, yaac maiv mauv nyaanh, oix zuqc haih gunv duqv longx ganh nyei hmuangv doic, njaaux ganh nyei fu'jueiv taaih ninh muangx ninh nyei waac. 1 Ti^mo^tai 3:2-4*

Doqc 1 Ti^mo^tai 3:4-5 ( jienv nyei nyungc zeiv )  
" Tidatc 1:6 ( jienv nyei nyungc zeiv )

Fu'jueiv hlo aqv, mv paanx taux domh mienh aqv fai, e naaiv deix Ging-Sou corc paanx nyei. Doqc 1 Ti^mo^tai 5:4  
" 1 Saa^mu^en 2:12, 17, 22

Se gorngv dorh jiu baang nyei mienh nyei fu'jueiv maiv muangx waac, maiv taaih domh mienh, maiv sienx Yesu, nziaauc sieqv-nziaauc dorn, toi gu'nguaaz, ceux sic hngangv nor, ( ih jaax nyei ziangh hoc zoux nqaengh ) za'gengh aqv duqv zoux Tin-Hungh nyei gong. Jiu baang mienh yaac mv maaih dorngh mangc nyungc, jiu baang mienh yaac gauh aqv duqv zipv. Mbuo ih jaax nyei ziangh hoc gauh camv laaix domh mienh maiv bangc-faix njaaux, zuov hlo daaih, zaih miaqv njaaux maiv muangx aqv. Maaih cmav nyei sueih bin fu'jueiv mangc TV mv gorngv mv njaaux, bun ninh mbuo zuotc waaic nyei buangv hnyouv.

## 16 CAUX GA''NYIEC NYEI MIENH YAAC MENGH DAUH LONGX NYEI

Zoux mienh gox nyei mienh oix zuqc dongh ga'nyiec nyei mienh funx mengh hoc longx nyei mienh, ninh ziouc maiv zuqc mienh daanh yaac maiv zuqc mienv nyei hungh zaeng koux hlopv ninh. 1 Ti^mo^tai 3:7

**Nyungc zeiv:** Maaih dauh njaaux Sunday school nyei mienh, njaaux duqv Ging-Soiu longx haic. Yiem leiz baaix dorngh nyei ziangh hoc zoux haiv nyungc yaac longx haic. Mv baac jix liuz naaiv, ninh zoux saah eix nyei ziangh hoc ninh hnyouv mv zingx. Ninh pienx mienh, gorngv-baeqc, aengx maaih zix nyungc ninh nyei nyungc zeiv maiv nzueic. Aengx maaih dauh maiv gaengh sienx nyei mienh yaac fih hngangv nyei zoux saah eix mienh.

Maaih hnoi maaih dauh sienx Yesu nyei mienh lunx mienh, buangv zuqc mv gaengh sienx wuov dauh, ziouc zoux zingh ginx

bun ninh muangx. Maiv gaengh sienx wuov dauh ziouc gorngv, " Wuov nyungc meih hnamv daaih wuov dauh (Sunday school teacher) mingh Tin-dorng, yie ndortv deic-nyuoqc fai, maiv gunv yie zoux nyei sic zungv gauh longx ninh?"

Naaiv nyungc mienh maiv maaih haiv nyungc mengh hoc longx nyei nyungc zeiv bun ga'nyiec nyei mienh.

1 Te^saa^lo^ni^gaa 4:11-12

Ko^lo^si 4:5-6

1 Ko^lin^to 10:31-33

1 Bide 2:12

Se gorngv kungx maaih kuv nyungc zeiv caux ga'nyiec nyei mienh hnav, maiv maaih caux mbuo nyei hmuangv doic, caux mbuo nyei jiu baang yaac maiv horpc. Horpc zuqc maaih kuv nyungc zeiv caux mbuo nyei hmuangv doic, caux jiu baang aengx caux ga'nyiec nyei cingx daaih longx.

## 17 HNAMV LONGX NYEI SIC HNANGV

Daaux nzuonx ninh oix zuqc maaih hnyouv zipv kaeqv, **hnamv zoux kuv sic...** Tidatc 1:8

Gorngv taux hnamv kuv sic se hung hanc gorngv nyei. Mv baac e jienv zoux za'gengh aqc haic. Mbuo dauh dauh hiuv duqv nyei, kungx gorngv maiv e jienv zoux yaac bingx maiv mbueiz haiv dauh. Se gorngv mbuo hnav naaic nor dauh dauh ziouc hiuv duqv mbuo zoux beih zaqc hnyouv nzuotv nyei mienh aqv.

Naaiv deix Ging-Sou tengx mbuox mbuo gorngv kuv sic dongh haiv nyungc:

E^fe ^so 2:10 Tin-Hung mbenc ziangx bun mbuo zoux nyei kuv gong

E^fe ^so 4:29 Gorngv dongh haih tengx duqv mienh nyei waac hnav

Lomaa 12:1-2 Fungx mbuo nyei maengc zoux ziec nyei ga'naaiv bun Tin-Hung longc

## 18 BAENGH FIM

Daaux nzuonx ninh oix zuqc maaih hnyouv zipv kaeqv, hnamv zoux kuv sic, haih zanv duqv ganh, **zoux baengh fim nyei...**

Tidatc 1:8

Baengh fim mbuo buac bun duqv jangv nyei, mv baac mbuo gorngv deix mbuo buac gauh qiemx camv nyei dorngx.

Mbuo oix zuqc zoux hnyouv baengh nyei bun diex maac, fu'jueiv, muoz-doic, nqox-auv, ong-daa maa-diev, ong-buoc maa-buoc, jiu baang doic caux ga'nyiec nyei mienh. I^sac, Yaa^gorpc maiv baengh fim bun fu'jueiv ziouc buang ziec nyungc nzauh nyei jav.

Taux paaiv sic nyei ziangh hoc maiv zeiz cong h mbuo nyei cien-ceqv hnav, mv baac oix zoux daaih baengh fim nyei.

## 19 CING NZENG

Daaux nzuonx ninh oix zuqc maaih hnyouv zipv kaeqv, hnamv zoux kuv sic, haih zanv duqv ganh, zoux baengh fim nyei, **cing nzengc nyei ...**

Tidatc 1:8

Naaiv yaac maaih camv nyungc mbuo haih gorngv taux. Mv mbuo gorngv deix dongh mbuo gauh buangh camv wuov deix.

Maiv gorngv waaic nyei waac. (ziev nyungc nyei)  
 Maiv gorngv waac-cou.  
 Maiv gorngv baeqc.  
 Maiv pienx mienh.  
 Hnyouv zingx.

Naaiv se Yesu nyei nyungc zeiv bun mbuo zuotc Hipv^lu 7: 26

## **20 SIANG-SIENX NYEI MIENH MV HORPC ZOUX MIENH GOX**

Siang-sienx nyei mienh maiv horpc zoux jiu baang nyei mienh gox.

( 1 Ti^mo^tai 3:6 )

Mbuo maaih ziex norm jiu baang hngv naaiv zoux.  
 Da'faanh maaih dauh siang-sienx nyei mienh ziangh duqv nzueic maaih fangx zeiv longx, yaac maaih baamh gen nyei congh mengh nor, ninh mbuo ziouc ginv daaih zoux mienh gox aqv.  
 Hngv naaiv se dorngc, weic zuqc mbuo mv e Ging-Sou njaaux nyei waac zoux.

Ging-Sou gorngv mengh nyei, naaiv nyungc mienh nzauh heix ninh mbuo haih zoux maux, ceng-hlo hngv mienv nyei hungv zuqc dingc zuiz nor.